

มาลาคี

พะหัม มาลาคี มัซ ป ไชฮ ปุย กา เกิด พะเยชู นิง ปลัฮเตะ ปาวน รอย โสฮ เนอิม □ เจน เซ เอัจ ฟายจ เฉาะ ยุฮ ปุย วิฮัน โคะระ โอ □ ปาวไม ระ ยุฮ มาลาคี เยอ มัซ ขวต ชตอก อี โม ชตุ ไม โม ลัษชตอน ละ ช เกือฮ อี เนอิม รพาวม ละ พะจาว □ ไม โดก อี ละ ลปง ชันญา ยุฮ พะจาว ไม ปุย ไน เตะ □ ชไม มาลาคี เซ □ ปุย เอัจ เกือฮ ตี เตะ ชลัฮ นิง ที เตะ พะจาว □ เอัจ ที นิง พลวย อี จีวัต เตะ ลเลียก รไม ไม ป ฆอก ป เบร □ ไม โอ อี เญื่อะ นัปที เนอิม พะจาว ตอก ไพรม เตะ □ โม ชตุ ไม โม ลัษชตอน โรวต ยุฮ ป บวก ละ พะจาว นิง โอ อี เญื่อะ ญอม ทไว ป ลัง ทไว เตะ ละ อี □ เญื่อะ เกือฮ โตว โรฮ จีวัต เตะ ปุก ตัม ลปง ชตอก พะจาว ละ เตะ □ ปัง มัซ ตอก เซ มาลาคี โรฮองะ ไลลวง ช ฮอยจ พะจาว เคะ อี ตี โฮน □ ละ ช รเตฮ อี โอเอฮ ละ ปุย ไน เตะ □ ไม ช เกือฮ อี ปุย ไน เตะ เปน ปุย ชงะ ชงอม □ กา เซ ปังเมอ ช เกือฮ ป ชีป กัม นัม ปัก เตะ ฮอยจ ตี ปุย ละ ช เพรียง อี อึง คระ ละ เตะ ลักกา เตะ □ ปุย เซ ช เกือฮ ปุย โดก ละ ลปง ชันญา พะจาว อึง ไม ปุย □

1 ลปง โม เอี มัซ ลปง ระ ไล ยุฮ พะจาว ป ฮอยจ ละ โม อีช ราเอน □ มัซ ป ชีป มาลาคี ละ อี □

พะจาว ฮรัก โม อีชราเอน

2 พะจาว อีฮ เอี □ อี เอัจ ฮรัก โม เปะ เตือง โออยจ เปอะ □ อีฮ เซ □

โม เปะ ปังเมอ ไสมญ เปอะ ตอก เอี □ ฮรัก เปอะ เอะ ตอก เมอ □ อีฮ เปอะ เซ □

พะจาว โลยฮ อี □ เอซาว ไม่ ยาโคป โม่ มัฮ เอียกปู ปู่ แตะ □
 อี ปึงเมอ ฮรัก โม่ ยาโคป นึง อี □

3 โม่ เอซาว เยอ อี จัง เงอะ □ อี เอ็จ เกือฮ บลาง ฌี
 เมือง เอซาว แปน โอยจ ลีน □ เมือง อาวต อี อี เอ็จ มอป
 ละ บราวก นึง ลีน เวือฮ เซ □ □

4 โม่ เมือง เอโต่ม ป มัฮ เมือง อาวต จัตเจือ เอซาว เซ นึง □
 ปึง อัส ดี แตะ ซ ฌาะ โโก โครระ แม ย่าง ฮัง นึง เมือง แตะ เซ
 เกือฮ ไมจ แม ตอก ไพรม แตะ □ พะจาว ป กุม ตฮัน มะลอง
 ปึงเมอ อัส เอ็ □

□ เกือฮ โโก อี เมิส □ อี ซ ฌื่อฮ โโครระ แม เยอะ ฮา อี □ ปุข
 ซ อัส เมือง เอโต่ม เซ มัฮ เมือง ซอก เมือง เบร □ มัฮ โม่ ป ซ
 ลอก ลอป รพาวม ฮาวก ยุฮ พะจาว, □ อัส เซ พะจาว เยอ □

5 โม่ เปะ โม่ อีซราเอน ซ ยุ เปอะ นึง ไง แตะ □ โม่ เปะ ซ
 อัส เปอะ ฌี อี ตอก เอ็ □ □ ระ เนอิม พะจาว. อัมนัด อี พร
 เอ็ ละ ปุข โปน เอิน ม่า เคต เมือง อีซราเอน ก ซ ไร อี □ □ อัส
 เปอะ เซ □

กัน ที ปุข พะจาว ไม่ รพาวม โอ เนอิม แตะ

6 พะจาว ป กุม ตฮัน มะลอง อัส อี ละ โม่ ซตุ ตอก เอ็ □
 □ กาน รมะ นัปที เป็อะ แตะ □ กาน ใจ นัปที ปอเลียง แตะ □
 ดัส อี มัฮ เป็อะ เปอะ □ เมอยุ โอ เปอะ ฌูอม นัปที อี อี □ ดัส
 อี มัฮ ปอเลียง เปอะ □ เมอยุ โอ เปอะ เนอึง ป อัส อี อี □ โม่
 เปะ ป มัฮ โม่ ซตุ อู □ เอ็จ มัฮ โม่ เปะ ป เพียก แฮม อี อี □ □
 อัส เซ ละ อี พะจาว □

โม่ เปะ อัส เปอะ ฌี อี ตอก เอ็ □ □ อะ เพียก แฮม ปะ ตอก
 เมอ □ □ อัส เปอะ เซ □

7 พะจาว โลยฮ อี ตอก เอ็ □ □ มัฮ เอ็ ป ยุฮ เปอะ □ โม่ เปะ
 เอ็จ ทไว เปอะ โอเอ็ฮ ป รแอม ละ อี นึง คัน นึง วิฮัน ยุฮ
 ฮ □ □ อัส เซ พะจาว.

□ อะ ทไว โอเอ็ฮ รแอม ละ เปอะ ตอก เมอ □ □ ติน ซ อัส
 เปอะ เซ □

พะจาว อัส เฮ็ □ เอ็จ มัส พลิส เปอะ คัน ชงะ ชงอม ยุส ฮุ □
 8 ญ็อม ตาว เปอะ ชัตซิง จัก ไร่ โบวค เตะ โบวค ชวง ไร่
 ป โชะ อี ละ ทไว เปอะ ละ อวี อัม มัส อัส เปอะ โอ พิต □ ลอง
 แลน เก็ฮ อโอเอ็ฮ ตอก เซ ละ จาวเมือง ยุส เปอะ ตัม ไอฮ อี
 ละ เปอะ □ อัม ช ปุก อี รพาวม อี □ แจง โอ อี ช ปุก เกอ □ □
 อัส เซ พะจาว ป กุม ตฮัน มะลอง เงอ □

9 □ ปัว พะจาว เล็ยก พาวม ไร่ เอะ □ □ อัส ลอป เปอะ เซ □
 ญ็อม ทไว เปอะ ป โอ ไร่จ ละ อี ตอก เซ อัม ช เก็ฮ เล็ยก
 ก พาวม ไร่ เปอะ □ อัม ช เก็ฮ โพต อี ป ไร่จ ละ เปอะ □ แจง
 โอ อี เก็ฮ ฮา □ พะจาว กุม ตฮัน มะลอง อัส เฮ็ □

10 □ ฮา ช เก็ฮ เปอะ ปุย ยุส ป โอ ปุก ตอก เซ อวี ฮวด
 เก็ฮ เอ็น ปุย ชอง แปะฮ รเว็อะ วิฮัน เซ ฮา □ ญ็อะ ฮวด เก็ฮ
 โตว ปุย ทไว ป โอ ไร่จ ตอก เซ □ ญ็อะ ฮวด เก็ฮ โตว ปุย
 แพรฮ งอ ไร่ คัน ยุส เตะ เฟ็ฮ เอ็น □ มัส เนอัม ป โอ ไก ป
 มัส โอเอ็ฮ ตอก เซ เออ □ ป ยุส โม่ เปะ ปุก โตว รพาวม เมอะ □
 อวี ญ็อะ ช ไร่ โตว ป ทไว เปอะ □ □ อัส เซ พะจาว กุม ตฮัน
 มะลอง □

11 □ เนอัม ไร่ ลัก โอ ก ชงะ ฮอยจ ละ ลัก เล็ยก ชงะ เอ
 มอยฮ อวี มัส ป ไร่ ไร่ ละ ปุย โครยญ เมือง □ เอ็จ ไก ป ทไว
 ป ฮอยฮ ฮงวี ละ อวี อี ไร่ ป ชงะ ชงอม ละ ที อี มอยฮ อวี โค
 รยญ โดฮ □ มอยฮ อวี อี มัส เนอัม ป ไร่ ไร่ ละ ปุย โครยญ
 เมือง □ □ อัส เซ พะจาว กุม ตฮัน มะลอง □

12 □ โม่ เปะ ปั้งเมอ พามัต เปอะ อวี ไร่ เก็ฮ เปอะ คัน ยุส
 อวี แปน ป โอ ชัมคัน □ ไร่ เก็ฮ เปอะ ปุย ทไว ชัตซิง ไร่เซพร
 ไร่ □

13 โม่ เปะ เอ็จ พามัต โรฮ เปอะ กัน ทไว ปุย โอเอ็ฮ ละ อวี □
 อัส เปอะ ตี เตะ เตื่อ ออป ไร่ □ ตัส เปอะ โรวค ทไว ชัตซิง ป
 บระ เตะ ไร่ ป คาโด อี ไร่ ป อวาม อี ป โชะ □ อวี อัม ช ปุน
 ไร่ เนอัม ไร่ เปอะ □

14 □ อี๋ มัซ กซัต ระ□ เกื้ออม ซันญา ปุย อี๋ง ละ ซ ท ไว เตะ
 แกะ ปี โปก ไมจ ยุส เตะ ละ อี๋□ ดัซ ลเตือฮ แม โรวก ป ไก
 ตอก โละพริ อี๋□ ปุย บวก ตอก เซ ซ ลอก ป โอยจ นิง โชะ
 เตะ ฆี อี๋□ ปุย โครยญ เมือง ไมจ อี สลัต นิง อี๋□ ไม่ นัปที
 เนอิม เตะ อี๋□□ อัส เซ พะจาว กุม ตฮัน มะลอง□

2

1 พะจาว ป กุม ตฮัน มะลอง อัส เฮี ละ โม ซต□□ ลปุง ซตอก
 รเงอิม เฮี ฮอยจ ละ โม เปะ□

2 ดัส โม เปะ โอ งอต ป อัส ฮะ ไม่ โอ เปอะ ญอม โปวต
 รพาวม เตะ ท ไว โญตซก ละ มอยฮ อี๋□ โส□ อี๋□ ซ เกือฮ โม
 เปะ ลอก ป โอยจ นิง โชะ เตะ ฆี อี๋□ อี๋□ ซ ชะ ชม่อต คาว
 คอง ไมจ ป ลัง ฮอยจ ละ เปอะ□ ตัม เนอิม อี๋□ เอ็จ ฟายจ
 ชะ ชม่อต เตอ นิง โอ โม เปะ โปวต รพาวม เตะ นัปที อี๋□ ดี
 ขาง□

3 □ อี๋□ ซ เกือฮ กวาน ฌื่อต เปอะ ลอก ตุต เตะ ฆี ป ยุส
 เปอะ เซ□ อี๋□ ซ ตา เอ็น เอ็ยง ซัตซิง ท ไว เปอะ เซ นิง นา โม
 โกะ เปอะ□ ไม่ ซ ยวก โปวส โม เปะ ฮา เตะ ตอก โปวส ปุย
 เอ็ยง ซัตซิง โส□

4 เกื้ออม เซ โม เปะ ซ ยุง เปอะ ฆี อี๋ มัซ เนอิม อี๋□ ป เกือฮ
 ลปุง ซตอก รเงอิม เฮี ฮอยจ ละ เปอะ□ ซ ยุง โรส เปอะ มัซ
 ลปุง ซันญา อี๋□ ไม่ โม เลวี เซ ป ตอน ป ฮมัน ลอป□

5 □ นิง ลปุง ซันญา อี๋□ ไม่ จัตเจือ เลวี เซ อี๋□ ซันญา อี๋□ ซ
 เกือฮ เตะ จีวิต ละ□ ไม่ ป **เฮน** ป ฮลอง โรส□ อี๋□ เกือฮ เนอิม
 ละ อี๋□ ตอก เซ เดอิม ซ นัปที เนอิม อี๋□ เจน ไพรม อี๋□ โม เซ
 นัปที เนอิม อี๋□ ไม่ สลัต โรส เตะ นิง เงอะ□

6 เอ็จ เพอิก เนอิม ปุย ตัม ปุก อี๋□ ไล เตะ□ ไก โดว ป โอ
 เนอิม นิง อี๋□ เกื้ออม เซ เอ็จ รโจะ เนอิม รพาวม เตะ ไม่ อี๋□□

อาวต โรส ไม รพาวม ซิไซ และ ไม นัม อี ปุย โหวน เกือส ล เตือส ฮา ป ออก ป เปรอ

7 □ดักดอย ชตุ ลัง เพออีก เนอิม ปุย เกือส ยุง พะจาว □ ปุย ลัง โหว เคะ ชตุ เซ ละ ซ โสลส และ ฮมอง กัม เพออีก กัม ตอม ป ปุก ป ลอก นิง อี □ นิง มัส อี ป โหว ฆรอก ลปุง ตัง พะจาว ป กุม ตฮัน มะลอง □

8 โม่ เปะ ปังเมอ ลเตือส เปอะ ตี และ โอก ฮา คะ ยุส ฮุ □ กัม เพออีก กัม ตอม เปอะ ปุย เอ็จ แปน ควน เกือส ปุย ฆลว □ เอ็จ แพก เปอะ ลปุง ชันญา อวี่ ไม โม่ เลว □

9 อวี่ ซ เกือส โม่ อิชราเอน เพียก แฮม โม่ เปะ ฆวี่ อี □ ซ โสลส เปอะ โหะกัจ ปิญงั นิง โอ เปอะ โหว นิง คะ ยุส ฮุ □ เอ็จ แปน เปอะ ป เพออีก ปุย ไม ฮรัก เปอะ ป ฮรัก จัง เปอะ ป จัง และ □ เนอิม เปอะ โตว รพาวม นิง กัน เพออีก เปอะ โกตไม ยุส ฮุ □ อี เซ พะจาว ป กุม ตฮัน มะลอง □

โม่ ยูดำ เนอิม โตว รพาวม ละ พะจาว

10 โม่ เอะ อัม มัส โอ เยอะ มัส เปืออะ ตี □ โม่ มัส พะจาว ตี โตน เซ ป ชัง เอะ เกิด โครยญ โหะ โอ □ แจง มัส อี □ ตัย มัส ตอก เซ เมอยุ โอ เอะ ยุส ตัม ลปุง ชันญา โม่ จัตเจือ ไพรม เมอะ อิง ไม พะจาว เยอ □ มัส ฆวี่ เมอ ป โอ เอะ เนอิม รพาวม ละ ปุ และ ฆวี่ อี □

11 ปุย เมือง ยูดำ ไม เมือง อิชราเอน ไม เวียง เยฐาเลม เนอิม โตว รพาวม ละ พะจาว □ เอ็จ ยุส โอเอือส ป เกละ เนอิม พะจาว ยุ ตี เจือ □ โม่ เซ โหว ไอฮ ปโรปวน ป นัปที พะ ตัง เมือง แปน ปุย ญืออะ และ □ มัส เซ ป เพียก แฮม โม่ เซ วิฮัน ชงะ ชงอม ป ฮรัก เนอิม พะจาว เซ ฆวี่ อี □

12 ปรมะ ป ยุส ตอก เซ ปัง มัส โม่ ชตุ ญุก □ ปัง มัส โม่ ลับ ชต่อน ญุก □ เกือส พะจาว โครส โอก ฮา ก อาวต โม่ ยาโคป

โครยญ โหระ ปุย □ ปุ เกือส พะจาว กุม ตฮัน มะลอง รัป ป ทไ
อี ละ แตะ เพือฮ เอิน □

13 ไก แม ตี เจือ ป ยุส โม่ เปะ เอ □ เขือม เปอะ ปอ ซเกาะ
คัน ยุส พะจาว 닝 รบวต แตะ □ แง้งฮ เปอะ หมี่ ไลจ รพวาม
แตะ 닝 โอ พะจาว ญือะ รัป ป ทไ เปอะ ละ อี □ ไม โอ เปอะ
ญือะ โฮลส ป ไมจ เนอิม 닝 พะจาว □

14 โม่ เปะ อัม ฆวต ยุง เปอะ ตอก โอ แตะ โฮลส โฮ □ มัฮ
หมี่ มัฮ พะจาว ซกิ พิญัน ยุส เปอะ □ เอ็จ ยู อี ป พิต ป ยุส เปอะ
ละ ปโรพาน ญือะ เปอะ ป โฮลส เปอะ ญืออม นุม ลั้ง แตะ □
เอ็จ แปน ปุกู เปอะ ตัม ป ซันญา แตะ อัง ไม เปอะ □ โม่ เปะ
ปัง ซันญา เปอะ อัง ซองนา พะจาว □ ปังเมอ โอ เปอะ เนอิม
รพวาม ละ □

15 มัฮ พะจาว ป เกือส ปะ ไม ปุย ญือะ เปอะ รโจะ แปน
ปุย ตี โม่ว เขอ □ เตือง โกะ เนอิม เปอะ ไม รพวาม รโม่ยฮ
เปอะ □ โม่ มัฮ อี □ มัฮ เมอ ป ฆวต ไอฮ พะจาว 닝 อี □ มัฮ
ฆวต เกือส อี โม่ เปะ โฮลส กวน แตะ ละ ซ แปน กวน เปอะ
เซ ปุย ไน พะจาว □ ไมจ เปอะ แสน เนอิม ตี แตะ □ ไมจ เปอะ
เนอิม รพวาม ละ ปุย ญือะ เปอะ ป โฮลส เปอะ ญืออม นุม ลั้ง
แตะ เซ □

16 เยโฮวา พะจาว ยุส อิชราเอน อัส เฮ็ □ อี เกละ เนอิม ย
กัน ละ ปุย ปุย ญือะ แตะ □ เกละ โรส ยุ กัน โคมเฮง คาเคียน
ปุย ปุย ญือะ แตะ □ ไมจ เปอะ แสน เนอิม ตี แตะ □ ไมจ เปอะ
เกือส ตี แตะ เนอิม รพวาม ละ ปุย ญือะ เปอะ โครยญ โหระ
เปอะ □ □ อัส เซ □

ชงะ ซ ฮอยจ รเต็ฮ พะจาว โอเอ็ฮ

17 โม่ เปะ เกือส เปอะ พะจาว เตือ ออป 닝 แตะ หมี่ ป อัส
ป มายญ เปอะ □ ติน ซ โฮมญ เปอะ ตอก เฮ็ □ ตอก เมอ ตอก
เกือส เอะ พะจาว เตือ ออป 닝 แตะ □ □ ติน ซ อัส เปอะ เซ □

ป เตื่อ ออป พระจาว หนึ่ง เปอะ ฆี อี มัฮ ฆี อัส เปอะ โม่
 ป ยุส กัน ฆอก มัฮ ป โม่จ ละ พระจาว. อัส เปอะ โม่ เซ ปุก
 รพาวม พระจาว. โสฮ ฮา เซ อัส แม เปอะ ตอก เฮ็ □ □ ยุ โดว ร
 เต็ส พระจาว โอเอ็ส ตัม ปุก ตัม ลอก อี เมอ □ □ อัส เปอะ เซ □

3

1 พระจาว ป กุม ตฮัน มะลอง อัส เฮ็ □ □ อี ซ ดาน ป ซึป กัม
 นัม ปัก แตะ โฮว กา แตะ ตี ปุย □ ปุย เซ ซ เพรียง ออิง กระ
 ลักกา เยอะ □ พระโองจาว ป ชาวป โม่ เปะ ยุ เซ ซ ฮอยจ ง่อม
 หนึ่ง วิฮัน ยุส แตะ □ ปุย เซ ซ ฮอยจ ละ ซ ซึป แตะ ลปง ชัน
 ญา อี ออิง ละ ปุย □ เอ็จ มัฮ ปุย เซ ป ซ เก็ฮส รพาวม เปอะ
 มวน □ ง่อต แลน □ เอ็จ ซ ฮอยจ เนอ็ม □ □ อัส เซ □

2 ซเงะ ฮอยจ อี เซ □ มัฮ ปุย ป ซ ปุน อวต ตอน ลั่ง เงอ □
 มัฮ ปุย ป ซ โอม ลั่ง เงอ ซเงะ เปลิส อี ตี แตะ เซ □ พระโองจาว
 เซ ซ ตอก งอ รโซฮ □ มัฮ โรส ตอก ซบุ ป ซงะ ยุส เครอ็ง □

3 ซ งาวม ตอก จังเค็อง ป โล มวี หนึ่ง เบ็ง ยุส แตะ ละ ซ
 เก็ฮส อี มวี เซ ซงะ □ ซ เก็ฮส โม่ ซตุ ยุส แตะ ซงะ ตอก ซงะ
 ปุย ยุส มวี โม่ ไคร ละ ซ เก็ฮส อี ปุน ทไว โอเอ็ส ละ พระจาว
 ตอก ปุก อี โล แตะ □

4 เญ็อม เซ โอเอ็ส ทไว ปุย เมือง ยุด่า โม่ เวียง เยรฐาเลม
 เมอ ซ ปุก รพาวม พระจาว ตอก โอเอ็ส ทไว ปุย เจน ไพรม
 โฆะ ลั่ง โฮ □

5 พระจาว อัส เฮ็ □ □ เญ็อม เซ อี ซ ไกลจ ฮอยจ รเต็ส โอ
 เอ็ส ละ ปุย □ ซ รโงงะ ซโตฮ กัน พิต ยุส โม่ ป โกว อัมนัด
 พิ โม่ โม่ ป เลนจ โม่ โม่ ป แปน พิญัน โอ เนอ็ม โม่ โม่ ป โอ
 ญอม เก็ฮส งวยฮ ซเงะ ซงา ลุกจั้ง แตะ □ ซ รเต็ส โรส โม่ ป
 คัม ตุง แมฮัง แม โม่ โม่ กวนด กวนดอย □ ป บวก ละ ปุย ตัง

เมือง ญุก ◻ โม ป โอ ฮลัด นิง อวี ญุก ◻ อวี ซ เกือย โออยจ ลอก
ตุต แตะ ◻ ◻ อัส เซ พะจาว ป กุม ตฮัน มะลอง ◻

ไลลวง โอเอือ ทไว ปยุ ละ พะจาว

6 ◻ อวี มัส พะจาว. อวี เปียน ไตว ตี แตะ ◻ โม เปะ ป มัส จัต
เจือ ยาโคป เปอ ◻ มัส ฆวี เซ ป โอ โม เปะ ตี ไลจ โลม โออยจ
ฆวี อี ◻

7 ◻ เนอิม นิง เจน จัตเจือ ไพรม เปอะ โม เปะ กอ ฆวต แพก
เปอะ โกตโม ยุส อวี ◻ ยุส เปอะ ไตว ตัม โกตโม เซ ◻ ปัง มัส
ตอก เซ ดัส เปอะ เอ็ญ แม เคะ อวี โส อวี ซ เอ็ญ โรส เคะ โม
เปะ ◻ ◻ อัส เซ พะจาว ป กุม ตฮัน มะลอง ◻

โม เปะ ติน ซ อัส เปอะ เฮ็ ◻ ◻เอะ ซ ยุส ตอก เมอ ละ ซ
โสลย แม แตะ เอ็ญ เคะ อี ◻ ◻ ติน ซ อัส เปอะ เซ ◻

8 ◻ ปยุ อัม โรวต บวก ละ พะจาว ◻ ลัง โอ โรวต อี ◻ โม เปะ
ปังเมอ โรวต ลัง เปอะ บวก ละ อวี ◻ ◻ อัส เซ พะจาว ◻

โม เปะ อัส เปอะ ตอก เฮ็ ◻ ◻เอะ บวก ละ พะจาว ตอก
เมอ ◻ ◻ ติน ซ อัส เปอะ เซ ◻

พะจาว โลยฮ อี ตอก เฮ็ ◻ ◻โม เปะ ทไว เปอะ ไตว ป ลัง
ทไว แตะ ละ อวี นิง โอเอือ ตา กาว ปุน ทไว ตี ปุน ◻ โม โอ
เอือ ทไว ไสญ เปอะ โรส ◻

9 ◻ โม เปะ ปยุ ตี เมือง เฮ็ ◻ ซ ลอก เปอะ ป โออยจ นิง โชะ
แตะ นิง บวก เปอะ ละ อวี ◻

10 ◻ ป ลัง ทไว เปอะ กาว ปุน ตี ปุน เซ ไมจ เปอะ ฮอยจ ตาว
อริง นิง ก เกป ปยุ คอง ทไว เซ กุมปอ เดอิม ป โชม ป ปอน
ซ ไก ฆวี นิง วิฮัน ยุส อวี ◻ ลอง แลน อวี อี นิง ไลลวง เฮ็ ◻ ดัส
เปอะ ยุส ตอก เซ อวี ซ โปส รเวือะ นาดัง เมือง มะลอง ละ
เปอะ ◻ ซ โทก โซ ป ไมจ ละ เปอะ โสวาน ปอ โอ เปอะ ญืออะ
โออยจ โกว ◻

11 ◻ อวี ซ คัต แมง มออยจ ไชม ไล ฮา เฮงาะ รโกะ ยุส เปอะ ◻
โคะ อะงุน ยุส เปอะ ซ วิต ไตว เปลิ อี ◻

12 ญี๋อม เซ ปุย โครยญ เมือง ซ อัส โม เปะ มัส ปุย เปน ดี
 หนึ่ง ซ มัส ปลัสเตะ อาวต โม เปะ ปลัสเตะ ไมจ ฮา ปลัสเตะ ก
 ไฮญญอ อัส เซ พะจาว ป กุม ตฮัน มะลอง

13 พะจาว อัส เฮ็อ โม เปะ เอ็จ เต ชิส วิส ฆอก เปอะ อากี
 อัส เซอ โม เปะ ติน ซ ไฮมญ เปอะ ตอก เฮ็อ มัส เมอ ป เต
 ชิส วิส ฆอก เอะ ปะ หนึ่ง อีอ อัส เปอะ เซอ

14 พะจาว โลยฮ อี ตอก เฮ็อ โม เปะ อัส เปอะ โอ ไก ป
 มัส รชอฮ ปุย ละ พะจาว เยอ เอะ ปัง ปีเล หนึ่ง ยุส แตะ ตัม
 ป อัส พะจาว อีง ปัง เกือฮ ตี แตะ ตูเตียม ซองนา พะจาว
 ป กุม ตฮัน มะลอง หนึ่ง อวาม เมอะ พิต แตะ เมอ ป เปน อี
 เน อี

15 ตัม ป ยุ เอะ เอ เอ็จ มัส โม ป เกียฮ ฮุน ป ไฮลฮ ป ไมจ
 เจอ เอ็จ มัส โม ป ยุส ป ฆอก ป เบร ป จเลิน แนฮ ปุ อู
 โนก ฮา เซ โม ป ลอง รพาวม พะจาว หนึ่ง โฆง แตะ ยุส ป พิต
 ลอก ไทว ลัง ป โชะ ฆวี อี ตี ฆาง อัส เปอะ ตอก เซ โม เปะ
 เออ อัส เซ พะจาว

ปุย เนอิม รพาวม ซ ไฮลฮ ลังวัน แตะ

16 ญี๋อม เซ โม ป นัปที เนอิม พะจาว ซิงชา ตี โอเอ็ฮ ไม
 ปุ แตะ พะจาว ฮมอง ป อัส อี ไม งอต ที แตะ ป อัส ป อู อี
 เซอ เกือฮ โรฮ ปุย ไฮฮ อีง หนึ่ง ซี ซองนา แตะ ละ ซ เกือฮ อี
 ตี แตะ ไตก ลอป ละ โม ป นัปที เนอิม แตะ ไม เม็ญ มอยฮ อี
 เปน ป ซัมคัน

17 พะจาว ป กุม ตฮัน มะลอง อัส เฮ็อ ปุย โม เฮ็ช มัส ปุย
 ไน อากี ซเงะ ซ เปลีส อากี กัน รเต็ฮ ระ ไล ยุส แตะ ปุย โม
 เฮ็ช เปน คอง วิเซต ยุส ฮุ อี ซ เล็ยก พาวม หนึ่ง ตอก เล็ย
 ก พาวม เป็อะ หนึ่ง กวน รชอฮ ละ แตะ ไฮอ

18 โม เปะ ซ ยุ แม เปอะ ตี ไฮน ตอก ตัง ปุย ซี ปุย ไฮ ฮา
 ปุย ฆอก ปุย เบร ซ ยุ เปอะ ตอก ตัง ป รชอฮ ละ พะจาว ฮา
 ป โอ ฆวต เนอ็ง ป อัส อี อัส เซ พะจาว

4

ซงะ ซัมคัน ยุส พะจาว

1 พะจาว ป กุม ตฮัน มะลอง อฮ์ เฮ็ □ซงะ เซ ซ ฮอยจ เนอิม □ เญ้อม เซ โม ป เกียฮ ฮุน ไม โม ป ยุส ป หมอก ป เบร ซ ฮะ ตอก เบระ ตอก โงว เฮงาะ โฮ □ ซ ฮะ ลอยญู เอ็น ฮอยจ ละ แรฮ แต่ะ เตื่อง โอยจ อี □

2 ละ โม เปะ ป นัปที เนอิม อี อี □ อัมนัด อี ซ โอก ละ เปอะ ตอก เญ้อม โอก ซงะ โฮ □ ซ มัฮ คาน เปลีส อี กัน ซีไซ ยุส แต่ะ ละ เปอะ □ ซ ซอต ซเป็ย ละ เปอะ ตอก ซเป็ย ซงะ โฮ □ ละ ซ เกือฮ อี ป โหะ ป คระ ฌิง เปอะ โฮ ตี □ โม เปะ ซ เตน เปอะ ปุโฮว ไม ไมจ มวน รพาวม แต่ะ ตอก กาน โมวก พลวย ปุย โอก ฮา คอก โฮ □

3 ซงะ เญ้อม เปลีส อี กัน รเต็ฮ ระ โล ยุส แต่ะ เซ □ โม เปะ ซ โฮลฮ เปอะ เป ปุย หมอก ปุย เบร □ โม เซ ซ แปน เอ็น ตอก จะ ตอก รกั อาวต ฆริม ชวง เปอะ โฮ □ □ อฮ์ เซ พะจาว ป กุม ตฮัน มะลอง □

4 □ ไมจ เปอะ ไตม โกตไม เกือฮ ไอ โมเซ ป มัฮ กานใจ ยุส อี เซ ละ เปอะ □ มัฮ ลปุง ซตอก อี อึง ไม โกตไม ยุส ฮุ ป เกือฮ อี ละ อี ฌิง บลาง ซีไน ละ โม อีชราเอน เตื่อง โอยจ อี □

5 □ซงะ ระ ยุส พะจาว มัฮ ซงะ ซัมคัน ปอ ฮลัด ปุย ฌิง □ กา ซ ฮอยจ ซงะ เซ อี ซ เกือฮ เอเลีย ป ซีป ลปุง แต่ะ ฮอยจ ละ เปอะ □

6 เอเลีย เซ ซ เกือฮ รพาวม เปื่อะ ไม กาน ปุก ปอ ปุ แต่ะ □ มัฮ โอ อี มัฮ ตอก เซ อี ซ ฌัมแปน ฮอยจ เกือฮ เมือง อาวต เปื่อะ เซ ลอก ป โอยจ ฌิง โหะ แต่ะ □ □ อฮ์ เซ พะจาว □

Lawa, Western (พระคัมภีร์ละว้า)
The Holy Bible in the Western Lawa language of
Thailand

copyright © 2018 Wycliffe Bible Translators, Inc.

Language: Western Lawa (Lawa, Western)

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 8 May 2025 from source files
dated 8 May 2025

9ff0cff3-385f-5859-a382-cdb6023ff36e